



SULEQATIGIISITSISUT
SAMARBEJDSPARTIET

UPA2019/210

Tillie Martinussen

27. marts 2019 – Siullermeerneqarnera


Uunga siunnersuut: Suliniutini angisuuni illuliortiternernik sanaartornernillu suliasat pillugit inatsisartut inatsisaata allanngortinnissaa pillugu Inatsisartut inatsisaat nr. xx, xx. xx 2019-imeersoq.

(Inuussutissarsiornermut Nukissiuuteqarnermullu Naalakkersuisoq)

Aallarniutigalugu Naalakkersuisunut innersuussutigissuarput inuutissarsiortunut malittarisassat ajornaannerusut eqquteqqullugit eqqarsaatigalugit sulissussarsiortarneq aamma atorfinitsitsisarneq. Tamanna ingerlatat annertuut pineqartillugit taamaallaat atuuttariaqangilaq, inuutissarsiornerulli iluani tamarmi atuuttariaqarpoq, kikkulluunniit atorfinitsissinnaaniassamatigit, maannamut naleqqiullugu piumasagaatit sakkukinnerusut atorlugit, nunaqavissunik atorfinitsitsisarniassammata.

Aamma aammaarluta erseqqissaassutigissavarput nammineq ilinniartuutigit nunaqqatigullu Danmarkimi imaluunniit nunani allani ukiuni arlalinni najugaqarsimasut nalunaarsorneqartarmata sulisartutut nuuttutut. Aamma Nunani avannarlerni kikkulluunniit suliaartorsinnaatitaapput kiisalu aamma sulisartunut nuttarnerat pillugu malittarisassaqarput killilersuinngitsunik naak nunanut avannarlernut ilaagaluarluta uangut taamatut nunani avannarlerneersunut neqerooruteqarsinnaannginnerput assut iluarinangilaq. Allani arlalinnik suliuutinik pitsaanagerusunik eqqussisoqarsinnaaqqooqaaq matumunnga inatsimmut nuuttussanik killilersuisumut naleqqiullugu, aammami manna pineqartoq killilersuisutut taaneqartariaqarmat.

Pisariaqartipparput kiffanngissuseqarnerunissarput suliffeqarnerup naleqqussarnissaanut, nunatsinni sulliviit pillugit politikikkikut suliniutit piinnaqinagit, tassani unammilleqatigiinnermi tunngaviit ajoqusertarlugut uangut isumarput naapertorlugu. Tassa imaappoq inuutissarsiortut qilersorneqartarput aalariarsinnaajunnaarlugit, taamaakkaluartorli politikerit suliniutaat soorlu mittarfiliortiternerit allalluunniit nassaarsiaasinnaasut naleqqussarneqartarput politikerit suliamiik suliamut kissaataat naapertorlugit tamannarpiarlu siunnersuummit matumani aamma siumugassaavoq.



SULEOATIGIISSITSISUT
SAMARBEJDSPARTIET

Isornarluinnarpoq inuutissarsiortut artukkorsorneqarmata naak nunamut maannga akileraartartuugaarluta taamaakkaluartorli nammineq immitsinnut naalagaraluta peqataanik iluarisatta kisimik iluaqutissaannik inatsisiliortarpugut.

Inersimanagerulertariaqalerpugut sangusaarluta inatsisiliortaqaattaajussakkunnarluta aamma inuutissarsiortut aningaasarsiornissaannut pitsaanerusunik atugaqartilertariaqarpagut aamma nammineq suliffiutigut.

Qaa inuutissarsiortunut aalajangigassanngorteriartigu takkumi nalunngilaat suut iluarsisariaqarnersut politikerimmi malunnarpoq sianigisaqanngitsut, kingumut oqaluttuarisaaneq qivialaassagutsigu.

Taamtulli oqareerluta isumaqarpugut namma inatsit akuerineqassanngitsaq inuutissarsiortut sinneri aamma oqilisaavigineqassanngippata, taamaattumik siunnersuutip ataatsimiititaliamut ingerlateqqinnissaa innersuupparput iluunngarluta qinnutigalugu silatusaassasugut kiisalu oqaatsigut nalilersuinnermut ilaatinneqassasut ataatsimiititaliami suliap ingerlateqqinnerani.

Qujanaq oqaaseqarsinnaagama.